

KBC THUSO

OCTOBER/ELLHA 2021

Regd. No. 19134/88
<https://www.kbc.org.in> NAI/220/99
No-G4/Regd. Magazine/
KBCThuso/MNP-81

KUM
57
Ihinna
So508



Khangthahle Mopohna

November Events

Sunday School day - 07
Chapangte Nikho - 14

**"Kapa theng eini pumkhat ihi bang a amaho jong pumkhat
ahitheina ding un, Nangman amahohi hong in"**

John 17:11



**KBC Workers
Retreat
14-18 Sept.
2021**



CONTENTS

THUMAKAI HO

1. KUT LE KUKITE /Editorial	3
2. "Chapang ho chu Kahenga hin Sol un"/Ms. Lhingboi Haokip	6
3. Maicham thu a Houlimna/Rev. Lettinlal Chongloi	9
4. KBC Workers Retreat 2021 Report	12
5. Mission Column	14
6. Men Column	18
7. Women Column	21
8. Youth Column	22
9. Literature Column	23
10. Holistic Development Column	24
11. Report	27
12. Hetnabelap	29

EDITORIAL BOARD

Chairman : Rev. Tonglet Haokip, President KBC
Editor : Dr. M. Thongkhosei Haokip, General Secretary
Joint Editor : Rev. Onkho Haokip

Contributing Editors:
1. Rev. Thongkhohun Touthang
2. Rev. Lamkeng Lhouvum
3. Rev. Tongmang Haokip
4. Ms. Tingneihing Kipgen
5. Rev. Lunkhosei Tuboi
6. Rev. T. Thangkhosei Haokip

Design & Layout - Hemkhohlen Haokip
Circular Manager - Ms. Vahboi Baite
Recorder Ms.Vahnnunem Haokip

THUSO LAHMAN

Church/Organisation/Department : Rs. 300/-
Individual : Rs. 200/- (Post a Rs. 250/-)
Indian Overseas Bank, Imphal Branch
A/C No. 073201000000350 IFSC No. IOBA0000732
The General Secretary,
Kuki Baptist Convention,
Opp. D.M. College, Imphal 795001, Manipur
email: kbcindia@rediffmail.com

Advertisement bolnom hon Mobile No 70895979446
Circulation to kisai lam Mobile No. 9862107393 bolding



KUT LE KUKITE

EDITORIAL

***“Ipi hijong leh loulaiya muchi natu, nalhosoh alhung mas-
apen dinga chu nangman lholhun kut nabol ding ahi. Kum
kichai phat, loulaiya kona nalhoga nakhop tup soh phat jong
leh lhosoh khoptup kut nabol ding ahi.”***

Exodus23:16.

***“Kut nabol jouseu jong kahon kadeipoi. Khoppi theng tampi
boljong leu chun kakipah deh poi. Nanghon pumgo thilto
tampi neipeuvin ... kamit a jong kavetpeh lou diu ahiye.”***

Amos 5:21f.

*Amasatah in muntina um Kuki Christian chate jouse ahideh a KBC
member ho jouse chung a i Pakaiyu Jesu Christa minin salaam ka-
hinpe cheh uve. Issue masa chun lhaitet golseh ke Kukite thudola
inakihou limun ahi. Tuchung issue ahhin Kut le Kukite thudolah
kihohu limute.*

*Kut kitihi Christiante Pathen ihinhou masang laiuva pat a ipu-ipat-
en ahinman u kipa golnop khat chu ahi. Hichehi socio-cultural fes-
tival tia kihe anahiye. Hichun mipiho golnop ahi tina ahiye. Kut ihin
mandanu hi aphot le anikho dungjuinyin akikhel jinge. Ahin, kum 10
val jep sunghin ahung kikhel danhi aphalamin amano tapon ahi.
Hichehi lampi ni in seitheh hinte. Khatna chu, masanga Kut chu mi-
jousea chule jalhang mipi lamkaihon aguon uva mipi jousea ahin,
tu vanghin thingnoiho aguon uva amaho sponsor na le adeilam
danuva ahung kiman hi ahiye. Amaho (thingnoiho) ideology prop-*

agate na dingia manchah in ahin nei tauvin, alhang alhanga thingnoiho koija nasa penem ti kitetna ahung hitan, aphamo lheh jenge. Anina chu, ahileh, thingnoiho active tah a kikumlut jallin Kut hi jemni sanga tam ahung hidoh tai. Masanga Kuki le Thadou issue kimang ana hipon, tuahi Kuki Kut, Thadou Kut ahung umkit tan, Nampi Kut chu phung-le-changin jong ahung chetan, hiche jong hi aphamo cheh chu ahung hitai. Chukit leh, kimkhat dingin sumkol veina (commercialization) phatah le minphat kiholna ahiloule career semna platform in ahung kimang tai.

Chunga Bible chang teni chu ilepkah a ahile, amasa jo chun Kut man lou akhohdan aseiyin, Pathen lungdei lam ahi ti chu iheuve. Ahin, Juda nam miten jong Kut chu anaman khel tah jeh un Pathen lunglhaina sanga lunghanna joh asoh tan, hi-jeh a chu 'Kut nabol jouseu jong kahon kadeipoi. Khoppi theng tampi boljong leu chun kikipah deh poi. Nanghon pumgo thil-to tampi neipeuvin .. kamit a jong kavetpeh lou diu ahiye' tia ase iahitai. Ipi jeh ham? Ajeh chu hiche ho chu amin maimaiya kibol, chonphatna le ngailutna panglou ahivu. Eihon jong Kut ibolna jouseuva inungu thang jing ahi, ipi pentah thang ham? Juthei (wine bottle), numei angtom le pasal le numeiho sungc-hen, condomho thangdeh duh, chuleh adang dang ti ahijenge. Hichehi mun jousea chu hipontin, ahin, state level dunga mitin kikhopna hoa kiseijiho ahi. Tuhin Pathenin eiho Kut mandan hinve henlang hileh Juda mite henga ase i veve chu eiho henga ahin sei ding ginchat ahi. Pathen lungdeiya kimang lou ahijeh chun nam kipumkhat nale kingailutna, chamna le lungmonna kitiho toh akigamla lheh tai. Kut ibol chan uva iboi cheh diu ham tihi lunggel thei ijat ham khat lunggimna ahitai.

Kut manlou ding lampang hipontin, amavang Pathen lungdei lama iti bolding ham tijoh ahi. Hichena ding chun amitakip in asemphatna dingin mopohna inei uve. Lungluttah a simho jouse chungu Pathen vangboh chang cheh tauhen.





“Chapang ho chu Kahenga hin Sol un”

CHAPANGTE NIKHO
KUKI BAPTIST CONVENTION

Ms. Lhingnoi Kipgen
Secretary, Women Department



Matthew 19:14

SERMON/ARTICLE

Temna leh hetsah na:

KBC kiloikhom na sunga um Gambih leh Houbung lamkai chu-leh mipi ho jouse, amasan kangailutna salam kahin peuve!

KBC Events calendar dung jui jin ahung lhung ding November 14, 2021 Pakai nikho hi KBC in kumseh a ina man jing u Chapangte Nikho chu ahitan ahi. Hiti ahijeh chun Gambih hihen lang Houbung a hijong leh lamkai cheng in ina geldoh kit uva kipah tah leh thanom tah a hiche nikho hi Chate ho dinga Program nomtah a isem peh uva lolhing tah a inaman cheh diu vin tem na leh hetsah na kahin nei jin ahi.

Hiche nikho dinga Program alhang pi khat ahung kitah lang in, ahin hiche keoseh hi nganse ding tina jong ahideh poi. Hiche kalval a jong anop na leh ahoina thei chan a ina kigon be diu vin ngeh na kahin nei kit ne.

Thupi: “Chapang ho chu Kahenga hin Sol un” Matthew 19:14

Pakai Jesu Christa leisetna alen lai jin chapang ho chu

anu apa ten Jesun phatthei aboh dinga ahenga ahin pui ju leh aseijui ten ana jah dao vin ana phoh un ahi. Hichun Pakai Jesun ipidia najahdao ham jada hih un hung sah un tin aseijui ho chu ana oimon ahi. Eiho lah a jong mi hi akibang pon, abang khat chu chapang thei da tah tah jong aum in akim avel a ahung u jong leh sendoh tho jeng jong aum thouve. Abang khat chu chapang ngailu mama jeng ah-

etkhah lou beh chapang amujong leh lungset jeng khohsah jeng mi aum kit in ahi.

Atah beh in chapang hinkho leh ahung khan let dan u hi ivet leh kipana leh thanopna atam in ahi. Lungtheng sel ahidan hou leh thil thah aheth nom dan hou ivet leh hitobang ho kom a Jesu Christa mi ngailutna thu mop peh lou ding hi dip dam umtah hi ding ahi. Hijeh a chu Jesu Christan kahenga hin sol un jada hih un ijeh inem itileh vangam chu hitobang te ho a bou hiding ahi ati ahi.

Tulai jin alhangpin nule pa ten tahsa chihna leh thepna lam a chate apha pen leh ahoi pen a khoukhah ding hi igelkhoh cheh taovin kipa umtah ahi. Ahin lainat umkit chu mi tamtah in chate Jesu henga pui ja amatoh kimutosah ding hi ana kilhasam jin ahileh it umtah leh kineppi um chate tamtah amahthah jitan ahi.

KBC Women Department in Chapangte gelkhohna hi ana kinei jing in ahi. Chapangte tahsa leh lhagao hinkho gelkhohna jal in Child Evangelist khat goi ding thu hi 1984 langa kon in athu ahung ki-

sei pan in ahi. Ahin deibanga gangtah a tohdoh ahithe i lou ding jeh chun Rev Kim Women Secretary ahilai jin 'Chapang Khoukhah' kiti lekhabu khat ana jih in hichu Women Department in Publish ana bol in KBC gam-sunga chapangte khoukhah na lam a kithopitu phatah ana hin ahi. Hitichun Child Evangelist traininga sol ding mi taona pum in kum 3 kum 4 sung a ana kihol jing lai jin 1990 October lha in Ms Chingboi Zou tutua Child Evangelist nu hi Pathen in eina komu peh u tidi hintin, Houbung chom a um hijong leh ngaichatna alet behseh jeh chun aman jong ahin gel lhan hitichun oijapi Chingboi Chongloi to hin 1990 October lha a kon in tuni chan in Chapangte huhhingna lam pia puihoi na lama ahin kitiong khom jing in ahi.

Hitichun Child Evangelism ministry a kon in Chapang tamtah in Pathen jal in Jesu Christa a kimuchetna ahin nei jun, kipa um tah chu tunia KBC field a lam chom chom a Pathen natong ho lah a mitam tah hi kipat til laija chate camp a ana panga Jesu Christa ana kisan ho ahijeh un Pathen thangvah na ipeu vin ahi. Khantou machal tolhon in ngai-chat ahidung jui jin jat chom jep



jep in Chapangte ding in Program ahung kigong jin, 2010 a kon chun kum phabep pi 'Making Change Makers' (MCM) kiti lhakhat chapangte discipleship Program Rev Mangneo lamkai na in anakigon peh in chapang tam tah in aphot chom pi lleh un Pathen ithangvah un ahi. Che jouchun Gambih leh area level in Chate camp bol na ding in Convention Women Department in sum le pai jin pha bep bep kithopina ana kipeh ahi. Tukum in jong Pakai lhacha Missionary leh Evangelist ho phabep toh Team akisem in mun phabep a Pathen jal in Chate Camp lolhingtah in ana kibol in ahi.

Hiti hin Convention nuten Chate lhagao leh tahsa hin kho lolhin ding gelkhohna jal in Program jat chom chom akigong jing in ahi. Kum seh a Talent veikan kibol jing hi Child Evangelism natohna a kimang ahi ti sumil louva koitobang Nuten talent ahung joh teng u leh inakichoh u chun Chate dinga Pathen na itohkhom nao va ilah diu kadeisah e.

Nu le Paten leiset chung a in

leh lou leh gou lu dang dang lamdoh na dinga sana dangka isuhlut sang uva chate semna a isuhlut nom cheh diu katahsanne. Hijeh chun achung chon in tonsotna gou lupen Pathen kom lhutthei chate ahina ding guva lung lhahdah louva pan lajing ding in ikitemuve.

Chate jong imopoh nao alenne. Collosia 3:20 na a imubang un Chate ho imalam jousea nule pathu a inun ding u hi Pathen lunglam ahi ti isuhmil lou diu ahi. Ephesia 6:1 na jong geldoh kit nuhite. Pakaija Nule Pa jabol a athu a nun hi Pathen thutep leh thupeh masapen ahi ti imuve. Hiche iju uleh Pathen kipana hin tin nule pa kipana jong hin tin chuleh hinkho sotna leh phatthei channa jong hiding ahi ti imuve. Ahin tulai hin Nule Pa kon khat chu jathei ja umlou athu lah thei hilou jong umdalou kitma ahi. Hijeng jong leh Chaten isuhmil lou diu chu Nule Pate chu achonphat jeh, achih jeh leh atep jehuva jabol a athu uva nunding hilou vin amavang Pathen thupeh ahi ti geldoh a Pakai jal a bolding ahi ti geldoh jing apha.



Maicham thu a Houlimna

Rev. Lettinlal Chongloi

Pastor KBC Centre Church Molnoi area Pallel

SERMON/ARTICLE

Thumakai

Amasan Ngailut umtah KBC thuso simjing KBC Houbung mite jouse I Pakai Jesu Christa minin kangailutna banjetin Chibai kahin bol e. Phat-sot tah kalungthim a umjing, min eidoh tampen na kamu hi Maichaim thu ahi. Ajehchu tulaijin, Abangkhat-in thisan so-a maicham semtei teiding tiloi aum in, chukitleh leh abang khat man Maicham kiti hibol lou ding ahitai Jesun Calvary a athi chun, Maicham kisemlona abulhing ahitai tiloi jong a umkit in ahi. Hiche Maicham thu a hin Houbung sunga thudoh aumjeh hin thukhoh tah khat asoh doh tan ahi. Hiche jeh a chu Bible in eihil uhi ipi mong ham ti vetkhom dinga kahin de-isah ahi.

Maicham kiti

Maicham kiti chu English ten Altar atiuvin ahi. Akoudoh na School Chapang Dictionary a kimu dungjuijin, "Maicham" ahilouleh "kithoina mun" akitijengin ahi. Pakai kom a thil atodoh nao mun-chu "maicham" kiti dan ahi.

Hijeh chun Maicham sem-ute kiti hi adih mona ding aum poi. Taona neiding ho kikhopna, taonamun ahijeh in, "maicham" sem-ute timo ahipoi. Maicham a koiding sum hihen, ipi hileh abol te thu thu ti chu ama kigel thu ahi. Maicham a thil koilouva jong taomo ahipoi. Pathenin asan ding dan chu angaichat te tahsan dungjuileh atao pa tahsan chuleh Pathen lung cham a kingai ahi bouve.



Maicham a thilto ho

Hiche Maicham thil to kibol hohi thisan kiso Gancha seh kitoh ahipon, adang jong a umin ahi. Hiche thilto hohi agom a"thilto nga (Five Offering)" aumin ahi. Hiche ho chu ahileh:-

- » Pumgo thilto Lev. 1
- » Lhosoh thilto Lev. 2
- » Chamna thilto Lev. 3
- » Chonset thilto Lev. 4
- » Themmo thilto Lev. 5

Hiche thilto nga ho sese hi maicham/kithoina mun a kitoh cheh danin akimun ahi. Ahinlah Hiche thilto hohi jatni a hop-khen thei ahi kati;-

Khatna: Thisan so-a Maicham a kitoh ho chu Pumgo thilto, Chonset thilto chuleh Themmo thilto ahi

Nina: Thisan jao louva Maicham a kitoh ho chu Lhosoh thilto leh Chamna thilto hi ahi.

Thisan-a Maicham kisem leh aguilhun na ho leh tu-a thisan so a kibol hi dih hinam?

Donbutna: -Gan Thisanso maicham thilto hi jat thum, I natiu Pumgo thilto, Chonset thilto chuleh Themmo thilto ho ahi. Akitona ajeh umcheh ahitoh kilhonin, akito dan jong ajatchom cheh cheh in ahi. Abonin ak-

oudoh giltah tah a um in ahije. Hiche hetthem theina dingin, anoija hin akibol dan holeh, akibol lona jeh ho leh aguilhun na ho, hilchetna chomcha cha ka-hin pe-in ahi.

» Pumgo thilto (Lev 1:3-17; 6:8-13) hi Hebrew paova'olah, akitin ahi. Akibol ding dan hi Pakaija ding-a Gimnam tuitah hiding chuleh hiche thilto hi Ama kipeh dohna a to diu ahije.

Akito na jeh ho:-

1. Alhangpi a chonset thoinda ding ahi(1:4.)

2. Pakai kom a ipumpi a kipehdohna le kisuthengna ahijeh a chu pumgo thilto kiti ahi.

» Akitoh dingho (Aneidungjuija)

1. Nolnabei Bongchal (1:3-9);

2. Nolnabei Kelchal le Kelngoi chal (1:10-13);

3. Vakhu le vapal(1:14-17).

» A chan ding dan u

» Pathen chan ding - a vun tai-lou aboncha Pathen na ding a agovam diu ahi (1:9;7:8)

» Thempu chan ding
- avun (7:8)

» Atohpa chang ding um lou

» A guilhunna - Christan Cross aasuhbulhit ahitai. Ama chu Pumgo thilto banga chonset jeh a kitoh doh ahitai(Matt 26:39-44; Mark 14:36; Luke 22:42; Phil 2:5-11).

» Chonset thilto maicham (Lev. 4:1-5; 6:24-30) hi Hebrew pao-va'Hattat' akitin ahi. Akibol ding dan hi Gimnam tui hijou lou ding ahitai. Hiche thilto hi Boltei tei ding, abollou umthei lou ding ahi.

» **A kito na ajeh ho:-**

Hiche Maicham thilto hi Hetlouva chonset kibol ho ngaidam thumna ahi. Adeh a ama hina akisem thah kit joulou ho dinga ahi (Num 15:30, 31). Ahinlah Pathen douna a ahile chonset thil to hi phachom louding.

» **Akitoh dingho**

1. Thempu ho ding chu nolnabei Bongchal(4:3-12) hiding ahi.
2. Houbung ding nolnabei Bongchal (4:13-21) hiding ahi.
3. Vaipo ho ding Nolnabei Kelchal (4:22-26) hiding ahi.
4. Mi lham ding Nolnabei Kelcha anu ahiloule kelngoi nou (4:27-35) hiding ahi.
5. Mivaicha ho ding vakhu ni le vapal ni (chonset thoina ding le pumgo thilto ding) hiding ahi(5:7-10).
6. Havaichat na vaicha ho ding chang bong nel (5:11-13; cf. Heb 9:22) hiding ahi.

» **A chan ding dan u**

» **Pathen chanding - A** thao laitah maicham a go ding ahi (4:8-10, 19, 26, 31, 35). hinlah Chonsetna thilto hi thempu a ding, Houbung a ding ahikhah le ponbuh pam a agovam diu ahi (4:11, 12, 20, 21).

» **Thempu chanding -** Vaipo ho ding le milham ho dinga chonset thilto ahile Houbuh court na aneh chai diu ahi(6:26).

» **Atohpa chanding -** Umlou

» **A guilhun na**

Ama ahung thi vetsahna ahi.

1. Christa chu Chonse a kisim ahi (2 Cor 5:21);
2. Christa chu khopi palam a genthei hesoh a thoh ahi (Heb 13:11-13).
3. Themo jeh a thilto maicham (Lev 5:14-6:7; 7:1-7)kiti hi Heb. Paovah 'asham' akitin ahi. Hiche maicham hi Gimnam tui hijou lou ding ahi. Chukitleh hiche maicham hi Boltei tei ding a thupah ahi

» **A kito na ajeh ho**

Hetlouva chonset kibol ho ngaidam thumna a kibol Maicham chu ahi. Chuleh adeh a kismethah kit thei ho ading ahi.

» **Akitoh dingho** (a sukhel-udungjuia)



1. Asuh khel u chu Pathen dou ahile (tekahna, Hopsom leh maicham nemang) Nalnabei Kelngoichal hiding Thempu pan ate dungjuia hop nga hop-khat kin abol ding ahi (5:15, 16).

2. Asuhkhel chu mihem chung a ahile nalnabei kelngoichal hiding semthah aum thei ding chule a chan ding chu hop nga a khat hiding ahi (6:4-6).

» A chan ding dan u

» **Pathen chan ding** - Thao laitah maicham a go ding ahi (7:3-5).

» **Thempu chan ding** - Aval se se (athao tailou)chu Muntheng a aneh chai diu ahi. (7:6, 7).

» **Atoh pa chanding** - Umlou

» A guilhun na

Christa chu I sukhelna na jeh ahung thi vetsahna leh agulhun na ahi (Col 2:13).

» Thuchaina

Aboncha keija Pakaijin Calvary Cross a aguilhun soh ahitai. Tuni geija Maicham thisan so na ibol jing uva ahileh Jesu chu Cross a thi lou lai ahin, eiho jong Old Testament na um nalai ihiuvin, chukit leh itahsan nao jong moh seh ahitai. Eihon thiso-a maicham itiuvn mipin

akine chai kit-in ahi. Thulhun luija thisan so-a maicham kibol hi Atohpa/mipi chan ding umlou ahibouve ti het ngai ahi. Tukhanga Maicham thilto ibol uhi Leviticus a hoiche khu ijuu uham?

Donbutna: - Leviticus a thisan jaolouva Maicham kisem toh tua Maicham isem uva sum hihen, gancha hihen, chuleh anche lou hing hijong leh ikipa na leh i ngaichat tichu, i thum nom thumna vetsah na leh ingaichat danu vetsah na a kibang . Hitobang chun Leviticus a jong thilto jatni ana umin ahi. adang kitoh toh kilou louhel ahije.

1. Lhosoh thilto (Lev 2:1-16; 6:14-18; 7:12, 13) hi Hebrew paova 'minhah,' akitin, hiche hi pakaija ding a Gimnam tuitah hiding ahi. Chuleh Hiche thilto Maicham hi Ama kipeh dohna akitoth ding ahi.

a. akito na jeh

Hiche thilto kito najehchu ahileh Pathen kom a kipana jeh ti ding dan ahi. Pathenin alungset jala chang leh min, lousoh phate cha alahdoh theijeh uva kipana vetsah na a hiche thilto hi abol u ahi.

Tua eihon I to-uhi Israel te a kijui mong hih jong leh eihon jong kipana vetsah na maic-

ham to thei ahi kati.

b. Athil to-u

Hiche thil to hi Chan thum in akihomin ahi

1. Changbong, thao, le Gimnamtui (2:1-3);

2. Chabong a kisem Cake, meija kisangmin (2:4), a hounna a kihon (2:5), ahiloule a houn na kikhu khum (2:7);

3. Anche louhing, leh thao leh gimnam tui leh chang leh min kihal a kikang toh hiding ahi (2:14,15).

c. A chanding dan u

1. Pathen chan ding -

Ahoilai tah Pakai maicham a go ding (2:2, 9, 16).

2. Thempupa chan ding

- A val amoh chu Houbuh court maija aneh chaidiu ahi. (2:3, 10; 6:16-18; 7:14, 15)

3. A toh pa chan ding - Umlou

d. Avetsah na

Hiche maicham thil to hin Christa Mihem ahina leh Christian ten Christa nung ijuina diu vetsah na ahi.

1. Thiltone lah a Choh jaolou hin chonsetna neilou Christa vetsahna ahi (Heb 4:15; 1 John 3:5).

Chukit leh Christian te jong choh jao lou hin kho theng manding ti-na jong ahi.

2. Thiltone a Thao ajao hin Lhagoatheng avetsahna ahi (Luke 4:18; 1 John 2:20,27). Christa na tohna sung a Lhagoatheng na tohna aum bang a, Christian hinkho a jong Lhagoatheng natohna jao ahi.

2. Chamna thilto (Lev 3:1-17; 7:11-21, 28-34) hi Hebrew paova 'shelem' akitin ahi. Hiche thilto hi Pakai ja ding a gimnam tuitah hi ding ahi. Chuleh hiche thilto hi ama ama kipeh doh na a kitoh ding ahi.

a. akito najeh

Hiche Chamna thilto hin atohpa toh Pathen kihak a cham na le kiguijopna phon doh na a kitoh doh ahi. hiche akito Chamna thilto hi hetthei dingin Jat-thum aumin ahi:

1. Kipa jeh a thilto: gelphahlou hel phattheina le huhdoh a aum jeh a kipana thilto ahi

2. Thanopna thilto : Pakai kom a kitep puma thumna neija a kibol ho ahung kisan jeh a kipa thanop vetsahna a kitoh ahi.

3. Ama kigel dungjuia thilto: A lhangpia a Pathen panpina



amu jeh a kipana thilto a kibol ahi.

b. A kitoh ding ho

Hiche thil to hi a toh ding a kigel lhapan aman aneidungjuija ato ding ahije:

1. Kelngoi lah a nolna bei anu hileh achal hileh (3:1-5);
2. Gancha lah a nolnabei anu hileh achal hileh (3:6-11);
3. Kelcha lah a jong (3:12-17).

Note: Gancha ahoimo them-khat them khat aumjong le hithei thou ding ahi (22:23).

c. Achan ding dan u

1. Pathen chan ding - A thao laitah maicham a go ding (3:3-5).

2. Thempupa chang ding

- A Om (wave offering) le a kong (heave offering; 7:30-34).

3. A tohpa chan ding - A lhang pi-a aval amoh chu court lai tah a atohpa le a Insungmiten aneh diu ahi. Ahinlah jatni in akikhenin kitin ahi.

a. Kipa jeh a thilto (Thank offering) —hiche ni a chu aneh-chai diu ahi (7:15)

b. Ama luncham a thilto (Votive and freewill offerings)—akipatni le ajing a aneh diu(7:16-18)*

***Note:** Maicham a thito chujat

ihin sei lah uva chun hiche thilto bou hi atohpa chan a-umin ahi.

d. Avetsahna

Christa Jesu jeh a Pathen toh I kichamnao vetsahna ahi (Rom 5:1; Col 1:20). Christian te hinkhoa jong chamna hinkho nei ding vetsah na ahi.

Thuchaina.

Leviticus a Israel ten atodan kisem tobang hihih jong leh, eiho chung a jong Pathen phatna jeh a kipana ahilouleh chamna thilto bolthei ahi. maicham a, sum hihen, thil leh lo leh Anche louhing hijong leh sem mo ahipoi kati. Mimasa I pu I pa teovin hiche Leviticus a Lhosoh leh chamna thil-to Maicham hi alah u ahidem kahepon ahi. Ahinlah Leviticus a khu jui hih jong leo hen amaho bol lona ajeh, ahung kon na ahet uva athangvah nao tobang a khu ibol theiju ahi Katina joh ahi.

Among a Bible a kisei ho ajeh ho khu eiho hinkho a ding a kiki lah son ji mong ahin, Maicham kisem lona pa khu eiho a ding a jong kiki lahson hi asetna ima aumpoi.

WORKERS RETREAT 2021

Amun: Elijah Prayer Mount, Gothol Anikho: 14th to 17th Sept., 2021

Theme: Christa a Pilhinna mason ute (Heb. 6:2)

Speaker: Rev. Ginkhosiem Signson

Executive Director, Evangelical Churches Association (ECA)

Rev. Tongmang Haokip, Programme Coordinator hina in Convention Worker jousen tukum in jong Retreat kikhopna akineije.

Rev. Dr. M. Thongkhosei Haokip, General Secretary, KBC in ahung kik-hom jouse chung a lemna le kipathu aphong in Pathen in KBC phatthei ahinboh a ahin mapui jing dan aseitoh lhon in Pathen thangvah na aneiijn Pathen phatthei na jalin KBC Gambih 21 alhingtan chule 25 ding a tohgong aumdan jong aseijin ahi. KBC in centralize policy akichepi toh lhon in Centre Church jong 25 alhing tan ahi.

Program sung in Devotion lamkai hon :Ms. Lhingboi Kipgen, Rev. T. Thangkhosei Haokip Secretary, Literature & Publication pa chuleh Rev Seiboi Tuboi Secretary Youth Department ho lamkaina in akibol in ahi.

SEMINAR on KBC Finance Management

Resource person: Rev. Th. Touthang, Finance Secretary

Rev. Th.Touthang akon in sum le pai toh kisaia a Convention in boina kitoh ho Constituion kijuilou dan leh pastor ho role kicheh tah in ase in ahi.

Discussion: Lunggel ngaitona chom chom ho seikhomna akineijin, Tu dinmun a kivaihomna a anohphah phabep 1. Protocol ho chuleh Pay day umtheilou chuleh Group Life Insurance jaokhom ding chungchang thua kihoukhom na aum in ahi.

Technical Skills Development

Mr. Hemkholen Haokip, Computer Technician in session ala in Computer software hetlou a khoh ho kihil khomna akinei in jin ahi.

Kichep golseh : Kisuhhalna ding in Group akiki hom in Kichep golseh a um in Lamkai Rev. Satminlen Khongsai leh Rev. Henkhomang Tuboi lamkainan jat chomchom in thanom tah in aki neiijn ahi.

Nikah houkhom na akinei jing in Taona ngaichat ho phon khomna leh Taona jong akinei jing in ahi.

RECOMMITMENT SERVICE

- Worship tam lamkai na in Thanom tah in Pathen vahchoi la sahkhom na akinei in ahi. Phat pat na taona ding in Nu Kimbem Haokip in thummna le thangvah na anei in ahi.



- General Secretary in kipathu sein a phat ala in chujou in Programme Coordinator, Resource person, Devotion leader, Discussion Moderator, Games captian, Taona lamkai cheng kipa thilpeh na anei in ahi. Retreat mopohna nei ho jouse chungah jong kipathu sein a anei in ahi.
- Workers Advent Christmas munding hi akigelkhom in C/C Kangpokpi le C/C Chavangphai khat pen pen a bolding in worker cheng in kilungtohtah in pha akisa tan ahi.
- Workers Holy Land Tour cheding in pha akisan, Rev Onkho le Rev Seiboi in thil ijakai ahin gontoh dingin mopoh na akipe lhon tai.
- Resolution Committee in Recommitment Form ahin sem uhi akivekhom in hapbe din leh suhdih thei chan akisudih in, ahin semtup uva ahin thah tadoh diuvn phatsah na akinei jin ahi.
- General Secretary in Bible mun phabep simdoh na aneijin Pathen soh te ihi nao uva thilkhouna chuleh inatoh na a iti Pathen deitah le lamkai ho lungdei a na itoh diu ham ti kikel cheh ding in tema anei e.
- Kaphal theng tai ti kipehdoh pum in sahhomna akineijin, mipi Pathen angung a taona akinei in, tao chaina General Secretary Rev. Dr.M. Thongkhosei Haokip in anei e.
- Chujouvin, Recommitment Form hopdohna aumtoht kilhon in worker cheng in khut jetlam op ah akikoi in, kipehlut kitna Form a kijih No. 1-16 cheng hi ban nei chan kilungtoht chet in simphong na akinei in ahi.
- Mipi in Commitment Form chunga sign akibol in, Pakai Taoana akiseikhom in ana nehna dingle kikhenna ding in Rev. Dr.M. Thongkhosei Haokip in taona amang in, KBC Workers Retreat 2021 lolhing tah in akichai tan, Pathen thangvah na akipe e.



Mission Department machalna phabep

Mission Column

Mission Sponsored Thah

Kipa umtah in KBC Mission natohna leh Pathen lenggam machal na ding gelkhoh na jallin, Pu Chungthang Haokip (Chief of Motjang) KBC No.4 leh Insung mite Mission sponsored in ahung pangun ahi. Pu Changthang Haokip hi Indian Army ahin, tutua hi Kashmir gamá um ahin Houbung Tao na in gel doh jingo hite. Gunchu tahá Pakai natong jing din ama leh insung mite Pathen in phat thei boh jing tao hen.

Taona ngaichat

a) Aruchal Pradesh Mission field :

Tulai tah hin Aruchal Pradesh Mission field Tabitha Girls Hostel nato ama chal jingin ahi. Tumasangá chun Tabitha Girls Hostel hi mi Nungah 23 ana umin ahi. Tua hi Hostel hi gam sung miten amonpi leh tahsan thei ahijeh in tukum hin mi 6 athah beh in ahung umbe toh kilhonin tuhin student 29 lam aumtan Pathen thangvah in um jing taken. Hiche toh kilhonin asung'a kiman chah nading Lupna, Table, Chair chuleh Book Self ho nasa tah in ngaichat ahitai. Hiche chung chona Dinning Hall nei lou lai ahiuvin, Dinning Hall sah doh'a aum thei na din Pathen heng'a taona in lhutnu hite.

b) Tripura Mission Field :

Tutua hi Tripura Mission field a hin KBC Centre Church New Lambulane ten Houin asah u ahin hoitah'a jo-a aum thei nadin taona in geldoh jingo hite. Tu tu hin Mopohna nei Pastor Seikholen Guite Missionary to Tripura hi damo na jeh in inmun (C- Aisan) a kijen dinggin ahung doh in ahi. Ama hi asung lam dam lou ahin hoitah'a adam theng thei nadin taona geldoh u hite.

c) Missionary ho damlou ho din Taopeh u hite.

Tuchung Covid -19 Pandemic jeh'a damlou Rev. Nabin, Evangelist Haridas Meitei, Evangelist Satiabashi chuleh adang dang ho Test kibol leh Negative hija ahi vang'a Symptom kibang thim ahiuvin



amah o jouse din taona in geldoh u hite. Tulang hin positive hi ho jong Negative ahung hitaovin, ahin atahsa ahath doh hih laijun ahung hat doh uva Mission field a lung lut ta'a Pakai na atoh jom thei nadiuvin gel doh jingo hite.

Naosen Melthah

KBC Mission in Partnership a itoh khompiu FMPB noiya Missionary Jamkhongam Haokip leh aloinu (Phalbung Baptist Church KBC No. 16) tu tua Himachal Pradesh a Missionary teni chun Chapa melhoitah khat ana nei lhontan ahi. Naosen leh anu ahung dam thei nadin taonaova geldoh jingo hite.

Golkha Nepali Youth Camp um

Nisim 28th-30th September 2021 sungin Maohing Baptist Church a Golkha Nepali Youth camp ana umin ahi. Hitobang Youth camp hi



Nepali Mission field a ding'a amasa pen jong ahi. Pathen lungsetna hitobang camp akibol doh thei jeh in Pathen thang vah in umhen.

Elijah Prayer Mountain Gothol

Elijah Prayer Mountain gothol mun'a Play ground neocha hijong leh akisem doh in ahi. Chuleh akivel'a Touna thei ding mun them khat akisem doh tai. Pathen lungset in Elijah Prayer Mountain na Taona mang'a kal song tampi aum jingin Pathen thang vah cheh u hite. Tuchung KBC Worker's Retreat jong loupe tah in taona mol'a ana umin anom l'heh jengin ahi. Achung chon'a Main Sanctuary kisa jong tu October lha a kipan hung kisa pan kitan ahi. Hiche Project jong amachal jing thei na din Mistry ho leh akisa lel ho boina ato lou nadiuvin Pathen kom'a taona in geldoh jingo hit.

Gospel For Manipur, Sugnu Mission Centre

Gospel For Mission Centre mun'a tu tua Missionary Quarter cum Hostel kisa Pathen lungset in ama chal jingin ahi. Hiche natoh na a hin Pu Tongmang Haokip Gambih Secretary leh Missionary Abra-



ham Lunminthang Touthang gunchu tah in apang Ihonin ahi. Chuleh Pu Doulal Chairman Gambih 21 in jong Thing Cabi 40 ahin toh doh in achunga kipa thu akiphonge. Chuleh Lonpi Khonou Head Deacon pan jong Thing Cabi 100 ahin toh doh in ahi. Pathen in phat thei boh jing tao hen.

Houbung mitheng te jouse KBC Mission natoh ama chal jing thei na din I um nao mun cheh a Pakai song'in pan la jingo hite. Pathen in KBC Mission natoh phat thei boh jing taken.

CHATE CAMP, 2021

KBC Gambih No. 12 Women Department tohgon na noi a Dt. 25-29 September 2021 sunga Khomunnom Baptist Church mun a CHATE CAMP lolhing tah in ana kichai tai.

Gambih sunga houbung chom chom a kon in camper mi 280 tivel ahung kikhom doh uvin, mi tamtah in lhagao a penthah na leh phat-chom pi tamtah anei un ahi.

Speaker:

Evan Chingboi Chongloi (Child Evangelist)

Resource Persons: Rev. Daniel Letminthang Haokip (Missionary)
Nu Ruby Haokip (Missionary)

Camp Director: Gl. Satminthang Misao

Amaho Pathen in kidang tah in amangcha un, damsel leh lolhing tah in Camp teho ana kichai tai.

Pastor Lunlal Doungei, Pastor, KBC No. 12



Kipa thuphon.



Pathen lungset in KBC Mission natoh ama chal jingin Pathen thangvah cheh u hite. Tukum Covid-19 pandemic jeh in mun tin gamtin boina ana umin keima jeng tah tah jong 17th May 2021 -13th June 2021 sungin Covid-19 High Positive jeh in Raj Medicity Hospital, Imphal muná genthei tah leh hahsa tah in thin a ding dinmun chanin kana umin ahi. Houbung mite taopeh na leh Pathen mi-lungset sei joulou kachana, muntiná um Houbung ule naote taopehna leh sum lepai kithopina lentah kana changing, kagin chat lou beh Pakai jal'a ule nao lungset-na kana changing kakipah lheh jengin ahi. Hiti chun thi-na thei jalkhun na kalup jing lai jin Pathen umpina kidang tah kachangin Pathen lungsetna jallin 13th June 2021 nikho chun kahung pot doh tan ahi. Hiche jou jong hin katahsa lhahsamna lentah ana um jingin phat sottah in muná kijen in ka um jingin nalaijin ahi. Hiche sung'a jong hin Rev Dr. M. Thongkhosei Haokip General Secretary KBC in eigelthem peh na jallin kataona eisan peh in August 2021 chan in Medical Leave eina pen ahi. Hijeh chun phat chom khat sung hi Mission colum jong imacha kahin so doh thei ana umtan ahi. Ipi hijong leh kahinkho thina thei ding dinmuná jalkhuna kalup jing lai ja eina taopeh Houbung mite chungá kipa thu sangtah in kahin phongin chuleh hinkho eiki ledohsah Pathen kathang-vah in loupe na jouse Pathen na hijing taken.

Men Department machalna phabep

Men Column

Men Department khan tounale natoh machal na achom lamtah in anojia hin report kahin pehthei jeh in pathen kathang vahe.

(1) khatna 36 th Men Department Council thu :- Achesa Dt 24th August nin 2021 nin KBC Office munna 36th Men Council anaki-nei jin ahi. KBC Gambih NO. 1-21 Chan Gambih Lamkaiho Councila Gambih atamjo ahung pang soh keijun, achung cheh uva kipathu sang tah in ahung kiphonge, ahila Gambih phabep ahung pang theipon Council Member changin phamo akisa lhez jeng in ahi. Councila ahung pangtheilou Gambih ho :-

1. Gambih NO. 6 Tujang vaichong Area.
2. Gambih NO 10 Singat Area.
3. Gambih NO.14 Jangngoubung Area .
4. Gambih NO.21 Khopijang Area. chule Gambih NO.18 leave ahive.

36th Men Department Council a hungpang jousele Office Staff changtoh Council Angkong jing An sokhomna/ nekhomna anak-inei jouvin Devotion akipan tai.

Rev. Tongmang Haokip Secretary Men Department KBC Gambih wise in Roll call abolin, chutoh kilhon in, Devotion alan Bible Det-eronomy 31: 1—2 asimin ahung kikhom chang tilkhounale kipa thu aseina aneiijin chule Men Department natoh ho achom lamtahn repot apen mipin pathen vahchoina la akisakhom in mipin taok-homna akineiijin PU Seikhohao Vaiphei President Men Depatment in taokhum khana aneiijin devotion akichai tai.

Pu Seikhohao Vaiphei President in ahung kikhom changse Pakai min in lemna thu aseitoh kilhon in Council Meeting akipantai. Council a thil tampi akiseijin pathen lungsetna jalin kinel bamtamnale nohpahna imacha umlou in Council ana kichaijin Pathen kathang vah in ahi. Council Meeting akichai toh kilhon in Pu Kaikholim Ha-olai V.President in kipathu seinale vailhahna thu aseitoh kilhonin Council Meeting akichai tai.



(2) LOM RESOURCE CENTRE (LRC):-

- (a) Pathen lungsetna jalin tuni chan geijin natosh achi lhajingin Pu Thongsei Haokip Chawkidar/ Care taker pan jong ajochan in nisehin na atongjing in chule sumle pai hahsa lseh jongle ama tolop/lhalo Rs 10000 (sangsom bouhi) lhaseh in akiyejing in ahi.
- (b) Tukum sungin Kolchuphung 4,500 (sanglile janga) akiphut in ahi.
- (c) Thingchangmai phung 400 (jail) akiphut in ahi.

GANCHA :- (a) Vohcha 5 (nga) akivah in ahi. (b) Vatot/Duck 100 (jakhat) akivah in ahi. LRC munna natohna kipa thuphon:-- Gambih NO. 7. New kaithelmanbi Area Pate in Rs 10000 (sangsom) natosh na ding in ahintoh un nalen tah akitongdoh in Gambih Pastor Letk-hoson Haokip le atohkhompi Pate Chairman Secretary chule gam-sunga Pate jouse chungcheha kipathu sangtah in ahung kiphonge pathen in pate akiloikhomnao phatthei boh jing jenghen. (3) LRC Day kimanna :-- Achesa Dt 19th September (Sunday) ni KBC Evants Calender dung juijin LRC day ahitoh kilhon in mun chom choma kimangin

(3) Gambih Wise a Pate Camp kibolho :

- (1) Akhat channa Dt 23—27th March sungin Gambih NO.18 Assam Karbi anglong akhatchan na Gambih Pate Camp Khoding Baptist Church munna anakibol in Pathen lungsetna jalin lolhing tah in ana kichai in ahi.
- (2) Anichanna Dt 20—24th April sungin Gambih NO.11 Sangaikot Area Gambih Pate Camp P.kkxhomunnom Baptist Church mun-na ana kibol in Pathen lungsetna jalin lolhingtah in anakichai jin pathen kathang vahe.
- (3) Athum channa Dt 21—25th September sungin Gambih NO. 17. Chassad Area Pate Camp Lakhan Baptist Church munna ana kibl kitin Pathen lungsetna jalin lolhing tah in ana kichai in pathen kathang vahe.

Hiche Pate Campma kipa umtah chu Pu Thangjahao Haokip Chas-sad Housapu le kolgamma Molnoi Housapu Pu Thangmang Haokip le Church Pastor Ngampao Haokip lamkainan mi 10(som) ahung pangun kipa aum lseh jenge.Camp kichai jin Maokot Houbungle Chassad Houbung vilna akineikitin PuThangkai Haokip Maokot Ha-

osapu le Pu Thangjahao Haokip Chassad Housapu vilnale tilkhouna Maicham semna agakinei peh in ahi.

Kipana thuphon

Pate Camp lolhin na ding a sumle paija panhinla C/C Church Kangpohpi chule C/C Church Molnoi Area Houbung mite chule changvala sumle paihintohho amichangchek in aminu hung kiphong jouhih jongle sumle paija pan hinla jouse chule Sarengkhon/Lihtan Houbung miten jong Campma dinga kache langun Cha tuitahle nehthei tuitah einehsahun Camp kichaija kahung kile langun vailhunnan Angkong bule mea tuitah einehsah kitun sumle pai hintoh chule thipha bolho jouse amincheh kiseijouhih jongle Convention Pate thakhel in kipathu sangtah in kahinphonge pathen in nathilto naochung cheha ajatjan phatthei naboh soh kei taohen.



CHURCH DEDICATION



Nisim 2/10/2021 (Saturday) nikho in KBC Gambih No. 12 a um Geljang Baptist Church in phat sotta ahinsah u, houin thah thensona ana ki-nei tan ahi. Hiche kingon a hin Pastor Lunlal Dounge (Gambih Pastor) in Houin Thensona Minister eilah peh uvin, Gambih sunga Gambih Executive jouse jong apang sohkei uvin chuleh houbung lamkai leh lhangsung haosa hojong ahung pang uvin ahi.

Kipa umtah in hiche houin thensona a hin Rev. Tonglal Haokip (C/C Canaan Veng) leh Pastor Lhunkhongam Haokip (C/C Sangaikot) jong ahung pang lhon in ahi. Kipa najal in Houbung miten ngailut ankong jong asem uvin, kin teho ana kichai tan ahi.

Pastor Lunlal Dounge, Gambih Pastor



LYDIA RESOURCE CENTRE 14TH FOUNDATION DAY

Women Column

Pathen lungsetna jal in Lydia Resource Centre kiphudoh nikho 14 vei lhinna October 1, 2021 nikhon ana kimang thei jin ahi. Hiche nikho hin KBC No. 8 Pastor pu leh Gambih Nute lamkai ho, Centre Church Caanan Veng Pastor leh Board of Deacon leh Houbung Nute lamkai ho chuleh Office langa Secretary ho leh Convention Women Work Committee ho cheng toh LRC mun na Pathen thangvah khom na akinei jin ahi. Rev Th. Touthang leh Pi Hatneilam a kon in Pathen thu leh tilkhouna thu ngailah na akinei jin Rev Dr P. Chongloi jin LRC ministry a din vangthum peh na anei jin kipana ankong sokhomna jong ana kinei jin ahi.

CHATE NIKHO KAIKHOM KINGON

- * Conduct : Houbung Men Department Chairperson
- * Thangvahna la : 'Jesun lungset chapang ho a anga din akou' Hb.La.No. Taona : Houbung Women Chairperson
- * Labung : BYD/Church Choir
- * Children Ministry a dinga neitokhom ho lhandoh ding: ME Chairman
- * Bible simphongna : BYD Chairperson
- * Thupi leh Chate dinga Taopehna: Pastor/Head Deacon/Guest Speaker
- * Kilhadohna la : 'Pakai phattheina neilhaovin' Hb.La.No. 28
- * Mipi Taona Achaiding: Speaker

Taona a geldoh ding ho:

- * Convention Children Ministry a ding – Director ding phatah akineitheina ding
- * Convention Child Evangelist Pi Chingboi Chongloi leh ainsung mite a ding
- * Lhagao leh tahsa a chapang ho akhantou theina diu
- * Nu le Pa neilou chapang ho ding

Kakipah e!

(Tingneilhing Kipgen)

Women Secretary, Kuki Baptist Convention (India)





Youth Column

Achesa Nisim 10 Octorber 2021 nikhoa Youth Department maka-ina noija kibol Bible Quest 2021 chu lolhing tah a akichai toh Ihon in lolhinna nei lah a dinmun somna chan a ding ho anoija bang hin tahlangna ahung kineiijn ahi.

BIBLE QUEST 2021 TOP 10 LIST

SL.	ROLL NAME	FATHER/MOTHER	P/RESIDENCE	G/B	ASSN.	SCORE
1	1476 JULIE VEIGUNNEI HAKIP	THONGKHOSEI HAKIP	HAOKIP VENG	1	KBC	92.5
2	0781 TINNU KHONGSAI	(L)TOHKON KHONGSAI	KULBUNG	9	KBC	91
3	1795 THANGPAO HAKIP	(L) SHOKHOTHANG HAKIP	KEITHELMANBI	5	KCBC	90.5
4	0310 NENGNEIKIM HAKIP	(L) SHONKHOTHANG HAKIP	SALEM, SAPORMEINA	4	KBC	90
4	0561 LHAINIVAH HANGSHING	THANGNGUL HANGSHING	TWAICHONG	6	KBC	90
5	0020 NEMHOICHAN TOUTHANG	SONKHOMANG TOUTHANG	TEIJANG	21	KBC	89.5
6	0557 LAMGOUHAO KIPGEN	KHOGIN KIPGEN	SONGJANG	6	KBC	89
7	1904 MANGKHOLEN HAKIP	LALRONGBOI HAKIP	G. SONGLUNG	4	KBC	87.5
8	2776 S.LHUNKHOHAO VAIPHEI	NGAMLET VAIPHEI	CHALJANG	11	KBC	87
8	0127 MANGSANGLEN HAKIP	JANGSEI HAKIP	CHASSAD	17	KBC	87
9	1609 THANGMINSON HAKIP	HATKHOLHING HAKIP	ZALENBUNG	2	KBC	86
9	1139 NENGKHOTIN KHONGSAI	M.THANGKHOPAO HAKIP	MOLNOM	16	KBC	86
10	1798 LHINGLEANHOI LHOUEM	HECHONG LHOUEM	KEITHELMANBI	5	TBA	85
10	1799 NEMBOITHEM LHOUVUM	LHUNLEN LHOUVUM	KEITHELMANBI	5	TBA	85
10	1122 S. LETTINKHUP HAKIP	S. NGAMKHOLEN HAKIP	H. LHANGCHAM	15	KBC	85

*Rev. Lunkhosei Tuboi
Secretary, Youth Department
Kuki Baptist Convention*





Literature & Publication machalna phabep

Literature Column

1. Sunday School Offering thudol a hetsah:

KBC sunga Literature & Publication Board a kivaiahom na dungjuija sum le pai hunglut na hi mun dang tampi umjong leh Houbung mite a kon a pan ilahna theipen u chu Sunday School Offering leh Events hi ahi. Hiche hi Houbung ahicheh vang a Centre Church ho hin Kumlung a Sunday School Offering hi aboncha ahin thah u ahin, tuchan hin ape jing un ahi chule amun/local Houbung hon kum lung a akimu jat lah a akim(50%) hi Office a ithah ding u ahi.

Tunia kahinsei nom chu ahileh Gambih/Local Houbung a kon hin 2020 kum chun Houbung 270 val lah a kon in Houbung 50 vel bep in ahinpen, 220 vel in ahin thah lou jeh in deibang a kiman chahna alhasam lheh in ahi. Hiti ahijeh in Gambih Pastor ho leh Houbung lamkai cheng in Kumlung Sunday School Themvet phat leh Events a leh Sunday School Offering hi ihin thahlut ding uvin Pakai min a temna leh hetsah na kahin neije.

2. Sunday School Themvet thudol.

Hiche thudol a hin Houbung lamkai, ahideh a Sunday School Lamkai hon ahethat ding a pha chu ahileh Themvet na hi Houbung cheh a kon a Pilhing, Senior I leh II lah a asang/them pen mikhat cheh Convention level a pang ding ahi.

Chule hiche nikho leh avesui ding a ngansena chang ding chu Gambih Pastor le Gambih Chairman/Centre Church Pastor toh pangkhom ding ahi. Hiche nikho a kimanchah dingdan hi Gambih Pastor hetpeh na le nganse na dungjuija um ding ahi. Chule Themvet na hi Gambih cheh Centre mun Houbung a kibol ding ahi.

3. 2022 Sunday School Simmun

Pathen phatsah ahileh 2022 Pilhing Sunday School Lekhabu hi aphatcha tadoh ding akideijin, taona kangaicha jinge.

4. Sunday School Day

Hiche nikho hi November 7(Sunday) ni hi ding ahin, aphaat leh anikho kon leh akiman chah na ding leh thupi jong hung kithot ding ahin, lolhing tah a kimang cha ding in houbung miten kigot inei theina diuva hung kihet masat sah ahi.

Rev. T. Thangkhosei Haokip, Secretary, Lit. & Pub. KBC



KBC HOLISTIC DEVELOPMENT

Development Column



Blood Donation Campaign:

68th General Assembly a ana kiseilha bang in March 2021 chun Centre Church Salem Saikul mun'ah Blood Donation Campaign lohing tah in ana kibol doh in ahi. Hiche kingon chu JNIMS Hospital le Convention Youth Department toh kithokhomnaa ana kiboldoh ahi.

Wild Fruit Plantation:

June – August, 2021 Iha sung chun Manipur Baptist Convention (MBC) le Forest Department, Government of Manipur toh kithokhomna in Shalom Theological Seminary (STS) Campus, Saitu Gambphazol munah thingkeh/thingnou 5,000 (five thousand) vel ana kitulut in ahi. Hiche thingkeh tuna achun Convention lamkai President, General Secretary, Office Secretaries, Gambih sung'a pastor umho, centre church le houbung chom chom akon mipi 100 val in pan analauvin ahi. Hutkhat a ana kituchai lou jeh in ahut nina in Mongpijang Baptist Church in pan nasatah in analauvin ahi. Pan hinlaho jouse chung'ah kipa thu iphong uve.

Solar Lamp:

Development Committee in Pu Ginsuanhao Mate, Honorable MLA, 60 Singngat Constituency koma ngehna ana kinei toh Ihon in Solar Lamp/Street Lamp 5 ana kimu in September 30, 2021 nikho in KBC Office campus mun'a tundohna le General Secretary akon in thensona ana umtai. Pan hinlaho jouse chung'ah kipa thu iphong uve.

CASA - KBC:

68th General Assembly le 91st Executive Council a ana kiseilha bangin KBC Holistic Development Committee le Churches Auxiliary for Social Action (CASA) kithomna in Saikul gamkaiya Covid-19 in asuhkhah insung le kho phabep ana kiboipin ahi.

September – October sungin Saikul gamkaiya kho phabep sunga chun Covid-19 jeh'a hahsat genthei toh insung phabep, meithai chaga phabep, tahsa tibah jatchom jepho, kum tam jepho ago-min inn 125 kithopina ana peuvinn ahi. Panpina kipe chu inn khat a Anchang KG 16, Ankam Thao Litre 1, Daal KG 2 le Chi KG 1 cheh ahi.

ACTION PHOTOGRAPHS

Hiche chungchon in CASA Direct Intervention Programme jong akichepi in mihem kihinso theina ding, damtheina ding le tahsa le lhagaova machalna alhun theina ding in kho som sung'ah n-toh hatah in akichepi jingin ahi. Hiche banjom in Saikul PHC a MO, Dr. John Lupheng toh kithokhomna in Saikul gamkaiya kho tamtah sung'ah Covid Vaccination Campaign ana kibolin ahi. Pan hinlaho jouse chung'ah kipa thu iphong uve.

KBC le CASA in Saikul gamsunga na atokhom lhon hi tahsa le lhagaova dindohna, hindohna le pilhin theina ding ahitoh lhon'a muntin'a um houbung mite injong taona le lam chom chom'a ana tosot jing dingin temna sangtah ahung kinei jing in ahi.

KUKI BAPTIST CONVENTION

Application of Scholarship for Theological Study

KBC sunga houbung hoa kon a KBC in apom Theological College (ATA/ Senate of Serampore) hoa Theology simlai B.D/ M. Div. a pat chunglam Final Year simlai hon kumsim a KBC in jokham kham a kitthopina le tosotna a kipeji Scholarship Apply bol phat ahitai. Application form hi KBC office a Receipt & Issue Ms. Vahboi Baite kom a muthei ahi. Tahsa tah a Application Form gakilah manlou hon KBC WhatsApp group hoa kon a download akibol a, print akibol doh a, angaicha document ho toh Scanned Copy a Application/ Registration fee Rs. 100/- (Rupees one hundred only) pum a ahin peh lut tha ding, application/ registration fee hinpeh tha louho application form kisan peh louding, Scholarship a dia register kibol lou ding ahi.

Apply hinbol theiding ho

KBC in apom Theological College ho (AT/ Senate of Serampore) noiya BD/ M. Div. Final Year simlai, themvetna masa hoa kon a Second Class a pat chunglam ho bou.

KBC sunga houbung mi kicheh tah hiding.

A course chu ATA/ Senate of Seampore in achepi dih tah ho bou hiding.

Application Form peh lutna ding

Application Form hi KBC office a Receipt & Issue Ms. Vahboi Baite ahi-loule Principal, Shalom Theological Seminary khat joh joh kom a peh lut thei hi. Angaicha document ho lhing louva hung kipelut application form ho screening a pang louding ahi (Angaicha document ho Application Form a akipe e)

Application Form peh lutna phat

Application Form hi 20th December, 2021 masang ngeiya peh lut tei ding ahi. 20th December, 2021 jouva application form kisang talou ding ahi.

Hetchet be nom neiho dia Contact No.

9089593092/ 7005525033 (Principal, STS)

7005017150 (Vice Principal, STS)

Sd/-

Rev. Dr. Haoneo Haokip

Principal, STS (Secretary/Convenor, Theological Education Board)





KBC no. 7

“KHLAI KHOPPI”

lohing tah a ana kimang



KBC No.7 Youth dept. tohgon thupi tah khanglai khoppi chu Pathen mapui najal'in 1st - 5th October sungin @Khoken houbung munna ana kimang chai tan ahi. Hiche Khoppi sunga hin khangthah member 600 vel akikhom doh in ahi. Anoiya hin program sunga kimanchah na lahchom ahung kitah lang e.

1. Khoppi Thupi : "Stir Up" II Timo. 1:6
2. Sperkers :
 1. Rev. D. Dounge, Church Pastor @Khoken B/Ch.
 2. Rev. Thangminlen Haokip
 3. Pr. Paogoumang Chongloi, Pastor Centre Church Lambung Joujangtek.
 4. Pr. Letkhason Haokip, Pastor KBC Gambih No. 7
3. Resource Persons :
 1. Rev. Dr. Paul Paolen, Asst. Professor MTC. (Topic: Youth & Christian Marriage.)
 2. James Doujapao Haokip, MCS. (Topic: Awareness on Civil Service Examination; Journey and Challenges of Civil Servant.)
 3. Janggoulen Haokip, MJS. (Topic: Career in Legal Studies & Legal Awareness on Cyber Crime)
 4. Inpi Chamber of Commerce (ICC). (Topic: Youth & Entrepreneurship)



Guest House Thensona Senam Baptist Church, KBC Gb. 16



Pathen jal in tuni nisim 22/8/21, KBC Gambih no. 16, Senam Baptist Church mun a anthahlop nale Guest House thenso na kin Gambih pastor Rev. T. Thangkhomang Haokip in Pa Pathen, Chapa Pathen le Lhagao theng pathen min in hondoh nale lhandoh na lolhing tah in anei toh kilhon in Kipa najal in Houbung pumpin ankong sokhom na jong akinei tai.



KIPATHU PHON

27/9/21 nikhon Rev. Tongmang, Secretary, Men Department in Chas-sad houbung mite in hongphal tah a Office Staff hodia anme anthot



eihin poh peh un ahin popa Secretarypu le ahinpe Chas-sad houbung mite Chunga Office staff jousen Kipathu sangtah in ahin kiphong e.



Kuki Christian lah a AMASAPENHO

- *1991 kum in KBC in Jeep ana kineidoh pan in Gl. Songam Ha-okip chu Driver masapen anahi.*
- *1992 kum in Pastor Helkhotong Haokip chu KBC natongho lah a atohna kum (atahsa kum hilou) pension maspen in ana kisol tai.*
- *1976-83 sung in Pu S.N. Gangte chu KBC sung a Deputation masapen ding in KBC/KCA-CEEFI Secretary in ana kisol e.*
- *1990 kumin Pi Lhingjanem Haokip chu KBC Working Women Hostel Matron masapen in ana pang e.*
- *Pu S.N. Gangte chu Indian Bible Literature, Onside School of Evangelism a Co-ordinator masapen ahi.*
- *1991 in Paokhohao (Haoneo) Haokip chu KBC P.A. to General Secretary Post masapen in ana kigoi in ahi.*
- *1982 kum in KBC sung Vocation Bible School (VBS) ana ki-bolmasapen in ahi.*
- *1976 kum in Mr Alun Haolai chu KBC Accountant cum Office Assistant masapen in ana kigoi e.*
- *Pu Lhoukholal Lhouvum chu KBC sung a fulltime Education Secretary a kigoi masapen ahi.*
- *1981 kum in KBC in Town Church, Moreh a kon in Dr Colvin Academy Moreh chu KBC Project ding in akilalut in 1982 kum in Principal masapen Mr. D.T. Haokip ana kisol e.*



Tahsa leh Lhagao puihingthei

THUGOLHO

- *Khamnathei (addiction) hi eltolna ahipon, natna joh ahi. Patep loubeh ding ahi. Loile pai hoa kuon kipatep kiboldoh nuom ahijin ahi. Naloi napai ding chingthei tah in kilhen thiem in. Napatep ma najohsah kal alonaje nahet louding kisi zongle chun vaigei ding ahi atai.*
- *Leiset hinkho lunggimna, lungkhamna, lolhinlouna leh lhasetna toh chekhom jing ahibouve, Kipana lungkhamna hizongleh ania permanent hilou, chemang thou thou ding ahijeh in, nasa behseh'a lahlouding ahi.*
- *Hinkho hi golseh tobang ahin, najo najolou sanga nuomtah'a nakichep thupijo ahi.*
- *Insung akhantou louleh khosung, vengsung, leh nampi khat khangtoun thei louding ahi. Insunga chate phatna dingle khantou theina din insung maicham aphapen in ahi. Insung maicham nahsah louvin koipou hite.*
- *Lah sang in peh aphajoi kitihi kisei maimai ahipon dihtah thuguh ahi. Peh kitihi thilpeh sehseh sein ahipon ngailutna, khotona, khohsahna, tha'a kitopina ho jouse zong thilpeh ahije. Napeh tamleh namu tamding nalah tamleh nalha tamding ahi.*
- *Kiletsah vangin koima alenpon, kineosah vangin zong koima aneodeh poi. Miching akineosah jeh in alen nin, mingol akiletsah jeh in aneolo e. Kiletsah in guol aheodah in kineosah leh nemmin guol ahoije. Leisetna guol hao chu sana dangka sang o-chat umjo ahi.*
- *Numei ching chu miji pha, minu pha, mimou pha, tehpi pha chuleh khosung nupi pha hung hiding ahijeh in numeiho atheplou achi hlou khohjo ahi. Numei ching in thil tampi asemphat theina ding dinmun anei bangin, numei ngollin thil tampi asuhset theina ding lampi anei jin ahi. Hijeh chun numeiho thepsah louhi insungle society Sunga manthah na hijoding ahi.*

Courtesy : Kalbi 40



Servanthood Quotes

1. *"If your actions inspire others to dream more, learn more, do more and become more, you are a leader."* -John Quincy Adams
 2. *"Innovation distinguishes between a leader and a follower."* -Steve Jobs, Apple co-founder
 3. *"Do not follow where the path may lead. Go instead where there is no path and leave a trail."* -Ralph Waldo Emerson
 4. *"Leaders instill in their people a hope for success and a belief in themselves. Positive leaders empower people to accomplish their goals."* -Unknown
 5. *"The very essence of leadership is that you have to have vision. You can't blow an uncertain trumpet."* -Theodore M. Hesburgh
 6. *"Leadership and learning are indispensable to each other."* -John F. Kennedy
 7. *"A good objective of leadership is to help those who are doing poorly to do well and to help those who are doing well to do even better."* -Jim Rohn
 8. *"The single biggest way to impact an organization is to focus on leadership development. There is almost no limit to the potential of an organization that recruits good people, raises them up as leaders and continually develops them."* -John Maxwell
 9. *"The pessimist complains about the wind. The optimist expects it to change. The leader adjusts the sails."* -John Maxwell
-



STS Men's Hostel Pathen panpi najalla 8th October 2021 ni hin Gambih No.4
Pastor. Rev.Tingoulen in Pa-Pathen, Chapa Pathen chule Lhagao Theng Pathen min in
thenso nale katdoh na anei tan ahi.



KBC No.7 Youth dept. Khanglai khoppi chu Pathen mapui najal'in
1st - 5th October 2021



KBC c/church Salem Vill Sapormeina houbung in tohgong HOUBUNG TOILET BUILDING chu
26/09/2021 nin Rev Henkhomang Tuboi, Church Pastor in manthei hita ding in Pathen heng ah
lhandohna ana neitai.

Post Regd. MNP/81
Regd. No. 18134/88

Nisim 14 - 16 sung a Gothol Taona mol a KBC Workers Retreat kimanna a tongkhom
mi 120 vel ana kikhom doh in kisu halna in kichep golset jat chonchom jong
akibol in ahi.



If undelivered, Please return to
The Editor, KBCThuso
Kuki Baptist Convention
Opp. DM College, Imphal - 795001
Contact : 9862633173